

BOSNA I HERCEGOVINA
PARLAMENTARNA SKUPŠTINA
DOM NARODA

Komisija o saobraćaju i komunikacijama

Broj: 02/6-111/99
Datum, 19.7.1999. godine

nije bilo poziva

Z A P I S N I K

sa sjednice Komisije o saobraćaju i komunikacijama Doma naroda Parlamentarne skupština Bosne i Hercegovine, održane 19. jula 1999. godine

Sjednicom je predsjedavao gospodin Mugdin Herceg, predsjedavajući Komisije koji je obavjestio prisutne članove Komisije da se održava zajednička sjednica svih komisija, a svaka Komisija bi razmatrala samo pitanja iz djelokruga svog rada shodno odredbama Privremenog poslovnika. Sjednici su prisustvovali: Mugdin Herceg, Drago Ljubičić i Pero Madžar, a odsutni su Ismet Šarčević Momir Tošić i Pero Marković.

Za sjednicu je predložen slijedeći:

D N E V N I R E D:

1. Usvajanje zapisnika sa 2. sjednice Komisije o saobraćaju i komunikacijama
2. Razmatranje Prijedloga zakona o vazduhoplovstvu
3. Razmatranje Sporazuma između Švicarskog federalnog vijeća i Vijeća ministara BiH koji se odnosi na redovni vazdušni saobraćaj
4. Razmatranje Prijedloga odluke o izmjenama i dopunama Privremenog poslovnika Doma naroda Parlamentarne skupštine Bosne i Hercegovine.

Ad-1. Usvajanje zapisnika sa 2. sjednice Komisije o saobraćaju i komunikacijama

Predsjedavajući konstatuje da je zapisnik sa 2. sjednice Komisije o saobraćaju i komunikacijama podjeljen članovima Komisije. Obzirom da nije bilo primjedbi na zapisnik predsjedavajući konstatuje da je zapisnik jednoglasno usvojen.

Ad-2. Razmatranje prijedloga Zakona o vazduhoplovstvu

Predsjedavajući Komisije je istakao, da sjednici Komisije ne prisustvuju predstavnici Vijeća ministara iako su uredno pozvani na sjednicu. U kratkim crtama je dao komentar pojedinih odredbi zakona i založio se za usvajanje zakona na sjednici Doma naroda.

Branka Todorović, sekretar Komisije je istakla da je rasprava po prijedlogu Zakona vodjena na sjednici Komisije o saobraćaju i komunikacijama Predstavničkog doma i Komisije o ustavnim i pravnim pitanjima. Na sjednici Komisije o saobraćaju i

komunikacijama Predstavničkog doma je podržan prijedlog Zakona uz promjenu u članu 64. stav 2. u smislu da Zakon stupa na snagu osam dana po objavljivanju u "Službenom glasniku BiH", što je u skladu sa članom 8. tačka 3. Privremenog poslovnika Doma naroda.

Obzirom da nije bilo učesnika u raspravi predsjedavajući je predložio da Komisija zauzme sljedeće stavove:

- Predlaže se Domu naroda da usvoji Zakon o vaazdušnom saobraćaju u tekstu koji je dostavljen poslanicima Doma naroda po hitnom postupku kako je u svom aktu i naznačio predlagač Zakona.
- Komisija predlaže da se izvrše promjene člana 64. stav 2. Zakona u smislu da Zakon stupa nasnagu osam dana po objavljivanju u "Službenom glasniku BiH" što je u skladu sa članom 8. tačka 3. Privremenog poslovnika Doma naroda.

Stavovi Komisije su jednoglasno usvojeni.

Ad-3. Razmatranje Sporazuma izmedju Švicarskog federalnog vijeća i Vijeća ministara Bosne i Hercegovine koji se odnose na redovni vazdušni saobraćaj.

Predsjedavajući Komisije je istakao da je Sporazum proučio te da je mišljenja da se može predložiti Domu naroda da da saglasnost za ratifikaciju.

Branka Todorović, sekretar Komisije je upoznala članove Komisije da je Sporazum razmatran na sjednici Komisije o saobraćaju i komunikacijama Predstavničkog doma na koji nije bilo primjedbi.

Učesnika u raspravi nije bilo.

Komisija je zauzela stav da predloži Domu naroda davanje saglasnosti za ratifikaciju Sporazuma izmedju Švicarskog federalnog vijeća i Vijeća ministara Bosne i Hercegovine koji se odnosi na redovni vazdušni saobraćaj.

Ad-4. Razmatranje Prijedloga odluke o izmjenama i dopunama Privremenog Poslovnika Doma naroda Parlamentarne skupštine Bosne i Hercegovine

Predsjedavajući Komisije konstatuje da je prijedlog Odluke o izmjenama i dopunama poslovnika dostavljen članovima Komisije, a odnosi se na djelokrug rada Komisije, rokovima i prisustvu predlagača.


Primjedbi na prijedlog odluke nije bilo te je predsjedavajući predložio da se prijedlog uputi Domu naroda na usvajanje.

Zbog nemogućnosti izrade izvještaja koji bi se podijelio poslanicima zaključeno je da po tačkama 2,3 i 4. izvještaj na sjednici Doma naroda podnese predsjedavajući Komisije.

Nakon donošenja ovog zaključka Komisija je završila sa radom.

SEKRETAR KOMISIJE

Branka Todorović



PREDSJEDAVAJUĆI KOMISIJE

Mugdin Herceg

